

## Pengenalan

Allah mengizinkan hubungan lelaki dan perempuan melalui ikatan yang sah iaitu pernikahan. Allah Yang Maha Mengetahui memahami naluri manusia yang memerlukan sokongan psikologi dan emosi dan ia adalah lumrah sepertimana permohonan Nabi Adam a.s untuk diciptakan Hawa. Sosiologis dan Antropologis mengklasifikasikan hubungan seks berlainan jenis sebagai Heteroseksual.

Allah mencatatkan dalam Al-Quran melalui An-Nahl (16) : 72

وَمِنْ وَاللّٰهُ جَعَلَ لَكُمْ مِنْ أَنْفُسِكُمْ أَزْوَاجًا وَجَعَلَ لَكُمْ مِنْ أَزْوَاجِكُمْ بَنِينَ وَحَفَدَةً وَرَزَقَكُمْ مِنَ الطَّيِّبَاتِ ۚ أَفَبِالْبَاطِلِ يُؤْمِنُونَ وَبِنِعْمَتِ اللَّهِ هُمْ يَكْفُرُونَ ﴿٧٢﴾

Dan Allah menjadikan bagi kamu dari diri kamu sendiri pasangan-pasangan (isteri), dan dijadikan bagi kamu dari pasangan kamu: anak-anak dan cucu-cicit, serta dikurniakan kepada kamu dari benda yang baik lagi halal; maka patutkah mereka (yang ingkar itu) percaya kepada perkara yang salah (penyembahan berhala), dan mereka kufur pula akan nikmat Allah?

Allah mencatatkan dalam Al-Quran melalui Ar-Rum (30) : 21

وَمِنْ ءَايَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً وَرَحْمَةً ۚ إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ ﴿٢١﴾

Dan di antara tanda-tanda yang membuktikan kekuasaannya dan rahmatNya, Bahawa ia menciptakan untuk kamu, isteri-isteri dari jenis kamu sendiri, supaya kamu bersenang hati dan hidup mesra dengannya, dan dijadikannya di antara kamu **perasaan kasih sayang** dan **belas kasihan**. Sesungguhnya yang demikian itu mengandungi keterangan-keterangan bagi orang yang berfikir.

Syariat Islam juga menentang amalan rahbaniyah iaitu tidak berkahwin bagi mereka yang berkemampuan dan cukup syaratnya. Hadith Rasulullah yang diriwayatkan oleh Baihaqqi :

*“Sesungguhnya Allah telah menggantikan rahbaniyyah dengan al-Hanafiah yang luhur”*

## BAB 1

### Definisi Homoseksual

Namun wujud juga mereka yang berpaling dari ketetapan ini dan memilih yang lain darinya dengan terjebak menjalin hubungan seksual sesama jantina. Hubungan ini dinamakan Homoseksual. Homoseksual berasal dari bahasa Yunani. “Homo” bererti sama dan “seksual” bererti perilaku atau perbuatan seks. Istilah Homoseksual pertama kali digunakan di Jerman pada tahun 1869 oleh Karl-Maria Kertbeny seorang warga Australia. Ia merujuk kepada perlakuan seks dan kecenderungan seksual yang turut dikenali sebagai orientasi seksual yang cenderung terhadap sesama jantina. Bagi masyarakat Arab, istilah Homoseksual dirujuk dengan istilah liwat.

Bab ini akan membicarakan mengenai :

- **Dua Kategori Homoseksual**
- **Tiga Tahap Homoseksual**
- **Terdapat 2 kategori Homoseksual ialah :**
  - I. Gay                                -hubungan jenis sesama lelaki
  - II. Lesbian                            -hubungan jenis sesama wanita


#### **I. Gay**

Gay sinonim dengan perkataan Liwat (لواط) iaitu berasal dari perkataan Luth (لوط) iaitu rasul yang diutuskan oleh Allah kepada masyarakat di Sodom dan Gemorah. Allah melaknat kaum ini kerana perbuatan homoseksual mereka yang tercatat dalam Surah Al'Araf ayat 77-82 dengan menimpakan mereka dengan batu serta merterbalikkan bumi lalu dihempapkan ke atas mereka. Kawasan ini kini dikenali sebagai Laut Mati sebagai bukti azab dan peringatan Allah.

#### **II. Lesbian**

Perkataan lesbian berasal dari nama pulau Lesbos (bahasa Greek: Λέσβος) iaitu sebuah pulau Greek yang terletak di Laut Aegean. Ia disandarkan dengan Lesbian kerana seorang penyajak wanita terkenal zaman dahulu bernama Sappho pernah hidup dan menulis sajak-sajak cinta kepada wanita sebagai ekspresi cinta homoseksual. Sehubungan dengan itu, pelancong lesbian menjadikan Lesbos terutamanya pekan tempat lahir Sappho iaitu Eresos sebagai destinasi lawatan.

### Peta Pulau Lesbos (Bahasa Greek: Λέσβος) Negara Greece



Lesbian di dalam pandangan ulama Fiqh dinamakan *Musahaqah*. Ia ditakrifkan sebagai iaitu melakukan perbuatan seks antara perempuan dengan perempuan dengan menggeselkan kemaluan sehingga mendatangkan berahi.

Ibnu Qudamah dalam kitab *Al-Mughni* berpendapat, jika bergesel dua wanita maka kedua-duanya melakukan zina berdasarkan apa diriwayatkan daripada Nabi yang bersabda bermaksud, “*Apabila seorang wanita mendatangi (menyetubuhi) seorang wanita maka keduanya berzina.*”

Para Fuqaha sepakat *musahaqah* tidak dikenakan hukuman hudud. Ia dikategorikan kesalahan **ta’zir**, kerana ia perbuatan maksiat yang tidak menepati takrif atau maksud zina secara tepat dan sempurna yang membolehkan pelakunya dikenakan hudud.

- **TAHAP HOMOSEKSUAL**

Homoseksual dapat diperincikan kepada tiga tahap iaitu :

- 1. Orientasi Seksual**

Ia bermaksud ketertarikan atau kecenderungan minat. Perasaan ingin mempunyai hubungan intim secara seksual dan emosional atau perilaku romantis terhadap jantina yang sama. Kajian American Psychiatric Association (APA) menyatakan bahawa orientasi seksual berkembang sepanjang hidup seseorang dan ia bukan genetik. Ia melibatkan pengaruh luaran. Kecenderungan dan rasa ketertarikan seperti menjadikan artis sebagai idola atau model rujukan (*role model*) berbeza mengikut individu dan perlu dikawal.

- 2. Perilaku seksual**

Perilaku seksual adalah aktiviti seks yang dilakukan antara dua orang yang sejangina. Perilaku seksual manusia melingkupi aktiviti yang luas seperti strategi untuk menemukan dan menarik perhatian pasangan, sentuhan fizikal dan hubungan seksual atau dalam kata lain rangsangan pada organ reproduktif.

- 3. Identiti seksual**

Identiti seksual membawa makna bahawa individu berkenaan mempamerkan perawakan dan gaya bagi menunjukkan beliau seorang gay atau lesbian. Golongan homoseksual memiliki gaya, imej serta isyarat-isyarat tertentu yang hanya dikenali di kalangan homoseksual bagi memudahkan mereka dikenali serta untuk tujuan mencari pasangan. Ia juga sebagai satu bentuk pengakuan mereka secara terbuka akan kecenderungan seksual mereka untuk pengetahuan umum.

Namun tidak semua homoseksual berani mengaku secara terbuka tentang orientasi seksual mereka ini terutamanya di negara yang melarang keras dan menghukum para homoseksual. Para homoseksual ini akan berselindung dan berpenampilan seperti insan normal lain bagi mengelakkan dihukum atau didiskriminasikan.

## BAB 2

### SEJARAH HOMOSEKSUAL

#### 1. Kaum Lut a.s

Sudah termaktub di dalam Al-Quran mengenai kisah Kaum Nabi Lut a.s yang mengamalkan seks sejenis atau dalam istilah masakini, Gay dan Lesbian. Malahan isteri Lut a.s sendiri mengamalkan budaya menentang lumrah alam ini. Diceritakan Allah dalam surah Hud ayat 81-82 mengenai kekafiran isteri Lut as dan azab yang diterima oleh keseluruhan kaum baginda termasuklah isteri baginda yang kufur itu.

Para utusan (malaikat) berkata: “Hai Lut, sesungguhnya kami adalah utusan-utusan Tuhanmu, sekali-kali mereka tidak akan dapat mengganggu kamu, sebab itu pergilah dengan membawa keluarga dan pengikut-pengikut kamu di akhir malam dan janganlah ada seorangpun di antara kamu yang tertinggal, kecuali isterimu. Sesungguhnya dia akan ditimpa azab yang menimpa mereka karena sesungguhnya saat jatuhnya azab kepada mereka ialah di waktu subuh; bukankah subuh itu sudah dekat?.”

Maka tatkala datang azab Kami, Kami jadikan negeri kaum Luth itu yang di atas ke bawah (Kami balikkan), dan Kami hujani mereka dengan batu dari tanah yang terbakar dengan bertubi-tubi,

Pengakhiran yang teruk dan azab. Kaum Lut akhirnya dimusnahkan oleh Allah s.w.t. dengan azab yang paling pedih bersesuaian dengan keengkarannya mereka berubah normal sepertimana yang disarankan oleh Lut as. Laut Mati yang dikunjungi oleh ribuan pelancong setiap tahun menjadi pusara kekal buat mereka.

#### 2. Masyarakat Pompeii

Pompeii adalah bandar purba Rom yang terletak di Naples berdekatan wilayah Campania, Itali. Bandar Purba Pompeii mula terkenal selepas dijumpai pada 1599 secara tidak sengaja tergali sebuah benteng yang terukirnya fresco yang masih terpelihara cantik. Pada tahun 1748, seorang jurutera daripada Sepanyol telah melakukan eskavasi di Pompeii dengan keizinan King of Naples, Charles of Bourbon.

Pompeii dianggap sebagai syurga dunia pada zamannya. Segala jenis maksiat terdapat di sini termasuklah homoseksual. Ia musnah dan tenggelam dalam timbunan debu setebal 2-4 meter akibat letusan Gunung Berapi Vesuvius 79 M.



Kesan Tragedi : Pompeii

### 3. Alexander The Great

Alexander The Great mempunyai hubungan yang begitu rapat dengan teman seperjuangannya, Hapheastion. Alexander dan Hapheastion berguru dengan individu yang sama iaitu Plato. Semasa meningkat dewasa, kedua-dua mereka menjadi individu yang disegani. Alexander menjadi pemerintah manakala Hapheastion menjadi ketua battalion perang dan pengawal peribadi Alexander.

Hapheastion meninggal dunia kerana demam malaria pada 324AD ketika berumur 32 tahun. Alexander dirikan menangi kematian Hapheastion sehingga mengalami kemurungan dan berdukacita. Pengebumian Hapheastion dilakukan secara besar-besaran selama tujuh hari tujuh malam oleh Alexander sebagai tanda kasih sayangnya.



#### 4. Hadrian dan Antinous



Hadrian adalah maharaja Rom yang memerintah sekitar tahun 117AD sehingga 138AD. Hadrian meninggal dunia ketika berusia 62 tahun pada 10hb Julai 138AD akibat serang jantung. Maharaja Hadrian bertanggungjawab membina Tembok Hadrian yang terletak di Britain.

Hadrian sangat meminati budaya Yunani walaupun beliau berketurunan Rom. Ini dapat dilihat daripada ukiran patung Hadrian yang sentiasa berjanggut sedangkan Maharaja sebelum Hadrian kesemuanya tidak menyimpan janggut. Imej berjanggut merupakan ikon Hellinistik. Titik tolak daripada minat Hadrian tersebut akhirnya membabitkan perasaan cinta kepada orang Yunani pula. Hadrian direkodkan mempunyai hubungan istimewa dengan seorang remaja berusia belasan tahun daripada Yunani yang bernama **Antinous**. Antinous sentiasa berada di sisi Hadrian sehingga kematiannya akibat lemas di sungai Nil. Hadrian bergitu sedih dengan kematian Antinous tersebut. Ketika itu, umur Hadrian dalam lingkungan 58 tahun.

Sebagai peringatan, Hadrian menjadikan nama Antinous sebagai nama bandar yang ditaklukinya di Mesir. Bandar tersebut kini dikenali **Antinopolis**. Hadrian telah menjadikan Antinous sebagai dewa dan membina kuil khas buatnya. Para golongan Gay menjadikan Antinous sebagai dewa atau tuhan sembah mereka sehingga ke hari ini.



**Kuil Antinous**

### BAB 3

#### DALIL AL-QURAN & HADITH

Sejarah awal Homoseksual direkodkan dalam Al-Quran seawal zaman Nai Lut a.s. yang mana ketika itu gejala seks, perkahwinan dan percintaan di antara sesama jenis berlaku dengan sewenang-wenangnya. Antara catatan di dalam Al-Quran adalah seperti berikut :

**Firman Allah dalam surah al-A'raf ayat (7) : 80-81:**

وَلُوطًا إِذْ قَالَ لِقَوْمِهِ أَتَأْتُونَ الْفَاحِشَةَ مَا سَبَقَكُمْ بِهَا مِنْ أَحَدٍ مِّنَ الْعَالَمِينَ ﴿٨٠﴾  
إِنَّكُمْ لَتَأْتُونَ الرِّجَالَ شَهْوَةً مِّنْ دُونِ النِّسَاءِ ۚ بَلْ أَنْتُمْ قَوْمٌ مُّسْرِفُونَ ﴿٨١﴾

Maksudnya : Dan Nabi Lut juga ( kami utuskan ). Ingatlah ketika ia berkata kepada kaumnya : Patutkah kamu melakukan perbuatan yang keji, yang tidak pernah dilakukan oleh seorang pun dari penduduk alam ini sebelum kamu? . Sesungguhnya kamu **mendatangi lelaki** untuk memuaskan nafsu syahwat kamu dan **meninggalkan perempuan**, bahkan kamu ini adalah kaum yang melampaui batas.

**Firman Allah Taala dalam surah Al- Hudd (11) ayat 78-79 :**

وَجَاءَهُمْ قَوْمُهُمْ يَمْرَعُونَ إِلَيْهِ وَمِنْ قَبْلُ كَانُوا يَعْمَلُونَ السَّيِّئَاتِ ۚ قَالَ يَتَقَوْمِ هَؤُلَاءِ بَنَاتِي هُنَّ أَطْهَرُ لَكُمْ ۖ فَاتَّقُوا اللَّهَ وَلَا تُخْزُونِ فِي ضَيْفِي ۚ أَلَيْسَ مِنْكُمْ رَجُلٌ رَّشِيدٌ ﴿٧٨﴾  
قَالُوا لَقَدْ عَلِمْتَ مَا لَنَا فِي بَنَاتِكَ مِنْ حَقٍّ وَإِنَّكَ لَتَعْلَمُ مَا نُرِيدُ ﴿٧٩﴾

Dan kaumnya pun datang meluru kepadanya, sedang mereka sebelum itu sudah biasa melakukan kejahatan. Nabi Lut berkata: "Wahai kaumku! di sini ada anak-anak perempuanku mereka lebih suci bagi kamu (maka kahwinilah mereka). Oleh itu takutlah kamu kepada Allah, dan janganlah kamu memberi malu kepadaku mengenai tetamu-tetamuku. Tidakkah ada di antara kamu seorang lelaki yang bijak berakal?". Mereka menjawab: "Sesungguhnya Engkau telahpun mengetahui bahawa kami **tidak ada sebarang hajat kepada anak-anak perempuanmu**, dan sebenarnya Engkau sedia mengetahui akan apa yang kami kehendaki".



**Firman Allah Taala dalam surah Al- Hudd ayat (11) : 82-83 yang berbunyi :**

فَلَمَّا جَاءَ أَمْرُنَا جَعَلْنَا عَلَىٰهَا سَافِلَهَا وَأَمْطَرْنَا عَلَيْهَا حِجَارَةً مِّن سِجِّيلٍ مَّنْضُودٍ ﴿٨٢﴾  
مُسَوَّمَةً عِندَ رَبِّكَ وَمَا هِيَ مِنَ الظَّالِمِينَ بِبَعِيدٍ ﴿٨٣﴾

Maksudnya : “ Maka tatkala azab kami, kami jadikan negeri kaum Lut itu yang di atas ke bawah (kami terbalikkan ), dan kami hujani mereka dengan batu dari tanah yang terbakar dengan bertubi-tubi, yang diberi tanda oleh Tuhanmu, dan siksaan itu tiadalah jauh dari orang-orang yang zalim”.

**Malah dalam Hadith Rasulullah saw** yang diriwayatkan dari Ibnu Abbas melalui Ikrimah antaranya dikumpul dalam Sunan Abu Dawud, Ibnu Majah, at-Tirmidzi dan al-Baihaqi ialah :

مَنْ وَجِئْتُوهُ يَعْصِي عَمَلِ قَوْمِ لُوطٍ فَاَقْتُلُوا الْفَاعِلَ وَالْمَفْعُولَ بِهِ

*“Barangsiapa yang ditemui melakukan perbuatan kaum Luth (liwat),  
maka bunuhlah fa’il dan maf’ul bih”*

Serta hadith dari Abu Musa Al-Asy’ary, **Rasulullah berkata:** “Apabila seorang lelaki mendatangi seorang lelaki (meliwat) maka keduanya telah berbuat zina”

Ringkasnya, dalil-dalil di atas dipetik dari nas Al-Quran dan Hadith Rasulullah memperlihatkan dengan jelas akan dosa besar homoseksual dan pandangan Allah terhadap homoseksual. Dalil-dalil ini akan dikupas dengan teliti di dalam Bab 5 : Hukuman Undang-Undang, Syariah Islam.

## BAB 4

### SAINS DAN KAJIAN MENGENAI HOMOSEKSUAL

Bab ini akan membicarakan akan analisis, kajian dan dapatan mengenai faktor-faktor yang mencetuskan dan mendorong perilaku hubungan homoseksual. Faktor yang dibicarakan ialah faktor dalaman (individu) serta faktor luaran (pengaruh) yang mempengaruhi orientasi seksual. Bab ini akan dibahagikan kepada tiga bahagian iaitu :

1. Kajian Mengenai Gay
2. Kajian Mengenai Lesbian
3. Kesan Negatif Homoseksual

#### 1. KAJIAN MENGENAI GAY

##### 1.1. Keluarga

Pengalaman atau trauma semasa alam kanak-kanak akan meninggalkan kesan psikologi dan emosi. Luka emosi ini akan mencetuskan rasa ingin disayangi oleh individu yang lebih memahami walaupun bersamaan jantina. Contohnya, apabila kanak-kanak dikasari oleh ibu menyebabkan si anak beranggapan bahawa semua perempuan bersikap kasar, bengis dan panas baran yang memungkinkan rasa benci ditanam dalam diri individu berkenaan pada golongan itu. Kesannya ialah “Pre-dominan” iaitu pemilihan identiti dan orientasi seksual kesan pengalaman berkenaan.

##### 1.2. Persekitaran

Pergaulan, keadaan sekeliling, keluarga menyumbang ke arah orientasi seksual ini. Para homoseksual dikesan lebih tinggi di sekolah satu jantina berbanding sekolah yang menghimpunkan dua jantina. Kadar homoseksual juga lebih tinggi di sekolah yang berasrama berbanding sekolah bukan berasrama. Kedua-dua contoh di atas adalah ekoran pergaulan dan keadaan persekitaran di mana hubungan berkenaan berlaku ekoran tiada pilihan jantina berlawanan dan juga ekoran tiada ruang bermesra melainkan dengan rakan sekolah sejangina.

Alam remaja juga bermulanya pembentukan kumpulan berdasarkan minat dan citarasa yang disebut ‘klik’. Mereka yang berpewatakan serupa seperti lelaki lembut berkumpul dan berkongsi minat pada peringkat awal seterusnya terjebak dengan hubungan seksual sejenis. Mengikut pendapat ini, homoseksual bukanlah dibawa dari genetik tetapi terbina melalui pengalaman dan pengaruh langsung semasa perkembangan di peringkat bayi, kanak-kanak, remaja dan awal dewasa.

### **1.3. Biologi**

Faktor dalam homoseksual juga melibatkan aspek genetik atau biologi. Hormon (bahan kimia) yang dikeluarkan badan akan memberikan kesan perasaan dan nafsu. Kajian oleh Ray Blanchard terhadap faktor homoseksual mendapati kedudukan atau aturan kelahiran memberikan kesan signifikan dimana didapati kadar homoseksual di kalangan anak bongsu terutamanya lelaki adalah tinggi.

Hipotesis awal mencadangkan bahawa kesan hormon androgen yang semakin bertambah di dalam tubuh ibu seiring dengan jumlah kehamilan boleh mempengaruhi orientasi seksual bayi. Hormon androgen ialah hormon yang berkaitan dengan perilaku kewanitaan dan kelembutan. Pemerhatian ini mendapati bahawa hanya anak-anak lelaki yang lebih bongsu menunjukkan kemungkinan menjadi homoseksual dan cenderung meminati jantina sejenis iaitu lelaki. Faktor-faktor biologi ini disokong oleh bukti terdapatnya kehomoseksualan dalam pelbagai spesis haiwan.

### **1.4. Dorongan individu**

Kurang keyakinan untuk berinteraksi dan berhubung dengan jantina berlawanan disebabkan faktor psikologi juga berperanan mencetuskan homoseksual. Malah keraguan terhadap potensi seksual diri dan ketakutan tidak dapat memenuhi kehendak pasangan ketika melakukan hubungan dengan jantina berlawanan menyebabkan individu memilih jantina sejenis.

Kadangkala ketakutan pada kaum bertentangan jenis menyebabkan tindak-balas erotik yang pasif iaitu tiada rasa ghairah semasa berhubung yang menyebabkan tiada ereksi.

### **1.5. Aktiviti seksual**

Pengalaman homoseksual kali pertama yang menyeronokkan akan meningkatkan peluang individu untuk meneruskan aktiviti homoseksual secara berterusan di masa hadapan. Pendedahan dan aktiviti homoseksual yang kerap akan membuatkan individu semakin selesa dan merasai kepuasan dengannya.

Ini memerangkap individu berkenaan untuk meneruskan aktiviti homoseksual dan mengekalkan orientasi seksualnya. Namun wujud juga golongan yang memiliki dua orientasi seksual iaitu biseksual dimana hubungan homoseksual tetap diteruskan sebagai pelengkap hubungan heteroseksualnya.

Kajian antarabangsa menunjukkan bahawa majoriti perempuan secara umumnya pernah melalui pengalaman seksual dengan sesama jenis sekurang-kurangnya sekali dalam kehidupan mereka namun kajian juga mendapati bahawa para responden tidak menganggap bahawa aktiviti mereka itu suatu lesbianisme dengan hubungan berkenaan. Berikut dinyatakan beberapa sebab perempuan terjerumus dalam aktiviti lesbian mengikut kajian oleh Suzi Godson, pakar seks dan hubungan dalam akhbar *The Times* dan penulis *The Sex Book*.

### 2.1. Untuk merasakan sesuatu yang berbeza

Perasaan ingin tahu dan ingin mencuba menyebabkan majoriti perempuan terlibat dengan aktiviti homoseksual. Perasaan ingin dibelai, disayangi dan dicumbui menyebabkan aktiviti homoseksual berlangsung tanpa dirancang atau dengan perancangan. Ini kerana mereka berpandangan bahawa ia lebih selamat serta tiada risiko.

Malah ia dianggap sebagai satu induksi atau pengenalan kepada hubungan seksual sebelum melibatkan hubungan seksual berlainan jantina. Perempuan merasa lebih selamat untuk mencuba atau mempelajari hubungan seksual terlebih dahulu sebelum situasi sebenar kerana perasaan gugup atau takut jika tiada persediaan.

Ini juga dapat diterangkan dengan ketertarikan seksual yang dirasakan ketika melihat perempuan lain yang cantik, pintar dan wangi. Perasaan kagum, minat, dan obses pada kecantikan menjadi titik pencetus yang boleh berlanjutan ke tahap yang lebih serius jika tidak dibendung.

### 2.2. Hubungan secara emosional dan verbal

Perempuan memerlukan hubungan yang melebihi dari sekadar hubungan seksual atau penetrasi bagi mencapai kepuasan. Hubungan dan sokongan emosi dan verbal memiliki merit yang besar bagi perempuan malah ia melebihi merit hubungan badan sahaja. Keperluan emosi merupakan sesuatu yang sangat besar dan tinggi di sisi perempuan.

Kemampuan perempuan untuk saling memahami bahasa verbal dan emosi mereka tanpa perlu diterangkan dan kesediaan untuk menyokong emosi mereka seringkali didapati ketika bersama perempuan berbanding lelaki. Lelaki di dapati lebih sukar memahami kehendak perempuan atau perasaan perempuan. Masalah komunikasi seringkali berlaku dan tinggi antara lelaki dan perempuan berbanding jika sebaliknya. Perempuan lebih terbuka dan berbicara sejujur-jujurnya dan ini sukar difahami oleh lelaki.

### **2.3. Mengubati sakit hati**

Fasa pasca perpisahan hubungan merupakan suatu sela masa yang genting bagi perempuan di mana perempuan merasakan kerinduan dan kehilangan belaian. Kadangkala implikasi ini menyebabkan rasa benci terhadap lelaki serta keengganan membuka hatinya dengan lelaki lagi.

Maka, dia pun akan cuba melakukannya bersama sesama perempuan, entah itu teman lama atau teman yang baru dikenali. Bagaimanapun juga, dalam seks juga ada unsur kehangatan yang dirasai sehingga perempuan merasa didampingi seseorang yang berpihak kepadanya.

### **2.4. Lebih lembut**

Hubungan seksual sesama perempuan berlaku dengan lebih lembut, berjalan dengan perlahan serta tidak mendesak lebih dinikmati berbanding hubungan dengan lelaki yang lebih kasar dan tergesa-gesa. Hubungan yang kasar dan tergesa-gesa ini menyakitkan dan meninggalkan kesan emosi negatif atau trauma pada wanita. Ini menyebabkan hubungan bersama lelaki tidak dinikmati dan menyebabkan perempuan mencari alternatif lain lantas menjurus kepada aktiviti lesbian.

Perempuan juga memiliki bibir yang lebih lembut dan mencium dengan lembut dan perlahan. Berbeza dengan lelaki yang merasa bernaafsu serta cenderung mencium terlalu “bersemangat” atau kasar. Lelaki juga kerap kali melibatkan air liur yang terlalu banyak ketika mencium.

## **2.5. Perempuan lebih pandai melakukan seks oral**

Perempuan lebih mahir dalam memenuhi keinginan dan kehendak perempuan sendiri terutamanya di bahagian vagina melalui sentuhan dan rangsangan tertentu. Penggunaan mulut dan lidah ketika seks dikelaskan sebagai seks oral. Perempuan secara umumnya berkemahiran dalam seks secara oral kerana golongan ini lebih mengetahui kawasan sensitif dan titik rangsangan yang tepat kerana mereka mengetahuinya dari tubuh badan mereka sendiri.

Malah perempuan tidak memiliki misai dan ini memberi kelebihan kerana misai yang baru dicukur akan terasa kasar apabila berlaku sentuhan. Seks secara oral juga memberikan sensasi yang berbeza dan terdapat sesetengah perempuan yang lebih menggemarinya berbanding seks secara ortodoks.

Kesimpulan berdasarkan kenyataan di atas mengenai faktor homoseksual di kalangan gay dan lesbian, di dapati bahawa faktor luaran merupakan faktor penyumbang terbesar akan aktiviti homoseksual ini berbanding faktor dalaman. Ini menunjukkan bahawa homoseksual merupakan suatu pilihan dan bukannya takdir atau ketetapan genetik (biologi) yang tidak boleh diubah. Para pelaku homoseksual adalah mereka yang memilih untuk hidup dan melakukan aktiviti homoseksual walaupun sebenarnya memiliki kemampuan untuk menolaknya.

Fitrah kejadian manusia memang dijadikan oleh Allah untuk berpasangan dan berkasih-sayang di antara jantina berlawanan dan bukan sesama jantina. Justeru, para pelaku homoseksual hendaklah berusaha untuk bertaubat dan kembali ke jalan yang diredhai Allah.

## KESAN NEGATIF HOMOSEKSUAL

Homoseksual memberikan impak yang besar kepada masyarakat dan individu. Agama menjelaskan dengan jelas akan keburukan amalan ini dan hukumannya di akhirat kelak. Antara kesan homoseksual ialah :

- Pembunuh institusi kekeluargaan – inilah masalah terbesar homoseksual iaitu ia akan menjejaskan institusi kekeluargaan dan nasab (termasuk pewarisan harta). Ia jelas mencerooh salah satu maqasid syariah iaitu “Keturunan atau Maruah” dan menjejaskan populasi atau kadar kelahiran manusia.
- Memusnahkan kekuatan moral masyarakat. Penekanan diberikan pada golongan homoseksual yang melakukan hubungan seksual di luar tabi’i. ini dapat mencacatkan dan memecah-belahkan sahsiah budaya dan kesatuan masyarakat.
- Memundurkan masyarakat – jika homoseksual menjadi kelaziman dan normal, maka ia akan merebak kepada segala perbuatan keji yang diluar tabi’i dan menjadi faktor penggalak pada keruntuhan sahsiah dan akhlak masyarakat
- Penyaluran penyakit kesihatan seperti AIDS dan penyakit bawaan seks (STD) seperti *Gonorea*, *Sifilis*, *Herpes*, *Vaginitis* akibat aktiviti yang tidak sihat ini yang menjejaskan kesihatan individu dan pasangan. Ia juga akan berjangkit kepada ahli keluarga yang tidak terlibat secara tidak langsung seperti pemindahan penyakit dari golongan biseksual (gay) kepada isterinya dan dari isteri kepada anak melalui kelahiran.

## BAB 5

### HUKUMAN UNDANG-UNDANG

Sepanjang sejarah dan zaman, kegiatan seks sama jantina telah diharamkan di sisi undang-undang di pelbagai tempat dan negara. Contohnya Negara England semasa pemerintahan Ratu Victoria telah menguatkuasakan undang-undang yang melarang tingah laku seks sama jantina khusus kepada kegiatan seks sama jantina lelaki tetapi tidak ditujukan kepada kegiatan seks sama jantina perempuan.

Kerap juga undang-undang anti-homoseksual diistilahkan sebagai **undang-undang liwat** atau merangkumi undang-undang cukup umur, undang-undang "*kesopanan*" dan sebagainya. Undang-undang liwat atau homoseksual menyalahi undang-undang di 70 daripada 195 negara di dunia. Manakala 40 negara mengharamkan seks di antara lelaki dan lelaki dari jumlah di atas.

Jumlah negara yang mempunyai undang-undang ini sudah menurun sejak separuh abad terakhir abad ke-20. Undang-undang yang mengharamkan keseksualan sama jantina berubah sepanjang sejarah, berdasarkan kebudayaan, agama, adat dan larang pantang sosial, dan sebagainya. Perubahan undang-undang boleh dilihat dalam **Kes Lawrence lawan Texas** di Amerika.

Dalam kes Lawrence lwn Texas pada tahun 2003,

*“Supreme Court, in a 6-3 decision, declared **unconstitutional** a Texas law that prohibited sexual acts between same sex couples. Justice Anthony Kennedy, writing for the majority, held that the right to privacy protects a **right for adults to engage in private, consensual homosexual** activity. Justice Kennedy's opinion expressly overruled the Court's decision in *Bowers v. Hardwick* (1986)”*

Perubahan undang-undang telah berlaku di mana pada tahun 1986, mahkamah Amerika Syarikat telah menghukum pesalah homoseksual sebagai satu jenayah namun ia telah berubah pada tahun 2003 dengan mengenyahkan hukuman terdahulu. Justeru mulai tahun 2003, Amerika Syarikat telah mengiktiraf sebarang aktiviti homoseksual dan perkahwinan sejangina secara rasmi.



**Seksyen 377A, 377B dan 377C Kanun Keseksaan (Akta 574)** memperuntukkan kesalahan melakukan persetubuhan **bertentangan aturan tabii** boleh membawa hukuman penjara sehingga 20 tahun dan boleh dikenakan sebatan. Kanun Keseksaan Malaysia (Akta 574) adalah suatu akta yang digubal bagi membolehkan seseorang ini diseksa di atas kesabitan jenayah memberi peruntukan di bawah

Di sebelah ialah petikan Akta 574 Kanun Keseksaan.

[Mas. Akta A727]	<p><b>377A. Persetubuhan yang bertentangan dengan aturan tabii.</b></p> <p>Mana-mana orang yang melakukan perhubungan seks dengan seseorang lain dengan memasukkan zakarnya ke dalam dubur atau mulut seseorang lain itu dikata melakukan persetubuhan yang bertentangan dengan aturan tabii.</p> <p><i>Huraian</i>—Kemasukan adalah memadai bagi perhubungan seks yang perlu bagi kesalahan yang tersebut dalam seksyen ini.</p>
[Mas. Akta A727]	<p><b>377B. Seksaan kerana melakukan persetubuhan yang bertentangan dengan aturan tabii.</b></p> <p>Barang siapa dengan sengaja melakukan persetubuhan yang bertentangan dengan aturan tabii hendaklah diseksa dengan penjara selama tempoh yang boleh sampai dua puluh tahun, dan bolehlah juga dikenakan sebat.</p>
[Mas. Akta A727]	<p><b>377C. Melakukan persetubuhan yang bertentangan dengan aturan tabii tanpa kerelaan, dsb.</b></p> <p>Barang siapa dengan sengaja melakukan persetubuhan yang bertentangan dengan aturan luar tabii ke atas seseorang lain tanpa kerelaannya, atau bertentangan dengan kemahuannya atau dengan meletakkan orang lain dalam ketakutan mati atau cedera kepada orang itu atau kepada mana-mana orang lain, hendaklah diseksa dengan penjara selama tempoh tidak kurang dari lima tahun dan tidak lebih dari dua puluh tahun, dan bolehlah juga dikenakan sebat.</p>

Berikut adalah Jadual Peruntukan Undang-Undang Terhadap Homoseksual mengikut negara :

Negara	Undang-undang terhadap kehomoseksualan	Hukuman
Afghanistan	Mati	Hukuman mati dikuatkan kuasa di bawah Taliban Hukuman penjara untuk zina.
Algeria	Ya	Saman - 3 tahun
Bahrain	Lelaki sahaja	Saman - 10 tahun
Bangladesh	Ya	10 tahun - Seumur hidup

Brunei	Ya	Saman - 10 tahun
Djibouti	Ya	10 - 12 tahun
Eritrea	Ya	3 - 10 tahun
Guinea	Ya	6 bulan - 3 tahun
Guinea Bissau	Ya	Kem buruh
Indonesia	Tidak	2002 *Acehdiberikan autonomi laksana hukum syariah
Iran	Ya	Lelaki :Penjara - Mati. Wanita : Tidak jelas
Lubnan	Lelaki sahaja	Saman - 1 tahun
Malaysia	Ya	Saman - 20 tahun
Maldives	Lelaki sahaja	Saman - 10 tahun
Mauritania	Ya	Mati
Maghribi	Ya	6 bulan - 3 tahun
Nigeria	*Kawasan di bawah Syariah menginstitusikan kematian untuk para lelaki dan wanita	5 - 14 tahun Mati
Oman	Ya	Saman - 3 tahun
Pakistan	Ya	2 tahun – Seumur hidup
Qatar	Ya	Saman - 5 tahun
Saudi Arabia	Ya	Mati
Senegal	Ya	1 bulan - 5 tuhan
Sierra Leone	Ya	Seumur hidup

Somalia	*Kawasan-kawasan di bawah hukum Syariah telah menginstitusikan hukuman mati untuk lelaki dan wanita.	3 bulan - 3 tahun/Mati
Sudan	Ya	5 tahun - Mati
Syria	Ya	Saman - 3 tahun
Tanzania	Ya	Saman - 25 tahun Lelaki : 25tahun atau saman Perempuan : 7 tahun atau saman
Gambia	Ya	Saman - 14 tahun
Tunisia	Ya	Saman - 3 tahun
Turkmenistan	Lelaki sahaja	Saman - 2 tahun
Uzbekistan	Lelaki sahaja	Saman - 3 tahun
Yemen	Ya	Mati







Berdasarkan jadual di atas, jumlah negara yang mengenakan hukuman terhadap kesalahan homoseksual semakin berkurang dan jika dianalisis hanya negara-negara majoriti Islam serta negara-negara di benua Afrika sahaja yang masih menguatkuasakan undang-undang ini. Manakala di benua Eropah, Amerika dan Amerika Latin tidak terdpat sebarang undang-undang ini kerana ia sudah dimansuhkan secara berperingkat.

## Hukuman : Syariah Islam

Dalam undang-undang Islam, perbuatan zina ini boleh dihukum dengan hukuman hudud atau takzir. Hukuman hudud merupakan perkara yang telah termaktub didalam al-Quran. Manakala takzir adalah perkara yang tidak terdapat hukumnya didalam al-Quran secara khusus tetapi keputusannya berdasarkan pemerintah sesebuah negara Islam. Liwat adalah memasukkan zakar ke dalam dubur seseorang samada lelaki atau wanita.

Imam Ibnu Qayyim memberikan pendapat bahawa *liwat* adalah sebesar-sebesar dosa yang paling besarnya dan hukumannya di dunia dan di akhirat termasuk yang paling besarnya hukuman. Imam Asy-Syaukani menulis di dalam “**Ad-Darariy Al-Mudhiyah**” – “*Para ulama telah berbeza pendapat tentang hukuman bagi kesalahan liwat setelah mereka bersepakat tentang pengharamannya*”. Ulama berbeza pandangan tentang homoseksual pada isu dan persoalan samada :

- Homoseksual lebih besar hukumannya dari zina?
- Zina lebih besar hukumannya daripada homoseksual?
- Homoseksual adalah sama dengan zina?

**Pertama:** Pendapat Abu Bakar As-Siddiq, Ali bin Abi Thalib, Khalid bin Walid, Abdullah bin Az-Zubair, Abdullah bin Abbas, Jabir bin Zaid, Abdullah bin Ma'mar, Az-Zuhry, Rabi'ah bin Abi Abdirrahman, Malik, Ishaq bin Rahawaih, Imam Ahmad Hanbal bahawa hukumannya paling berat lebih dari zina dan hukumannya adalah bunuh pada setiap keadaannya samada yang bernikah atau belum bernikah.

**Kedua:** Pendapat 'Atha' bin Abi Rabah, Hasan Al-Basri, Sa'id bin Musayyib, Ibrahim An-Nakha'i, Qatadah, Al-Auza'i, Abu Yusuf, Asy-Syafi'y, Al-Imam Ahmad pada riwayat yang kedua bahawa hukumannya sama dengan hukuman zina.

**Ketiga:** Pendapat Al-Hakam dan Imam Abu Hanifah bahawa hukumannya selain zina iaitu *ta'zir*.

## Pendapat Pertama: DIBUNUH

Pendapat Ibnu Taimiyyah dalam ‘*Majmu’ Al-Fatawa’* serta Imam Al-Wadi’y dalam ‘*Ijabatus Sail’* dan Imam Asy-Syaukani dalam ‘*Ad-Darariy Al-Mudhiyah’* menyatakan bahawa jika terbukti seseorang itu melakukan *liwat* dengan *zakar* maka hukumannya adalah dibunuh. Walaupun yang melakukannya belum berkahwin kepada pelaku ataupun pasangannya.

Berdasarkan dalil hadith dari Ibnu Abbas didalam kumpulan hadith yang dikumpul di dalam:

- Abu Dawud (no. 4462)
- Ibnu Majah (no. 2561)
- at-Tirmidzi (1/275)
- al-Hakim (4/355)
- al-Baihaqi

مَنْ وَجَدْتُمُوهُ يَعْمَلُ عَمَلَ قَوْمِ لُوطٍ فَاقْتُلُوا الْفَاعِلَ وَالْمَفْعُولَ بِهِ

“Barangsiapa yang ditemui melakukan perbuatan kaum Luth (*liwat*),  
maka bunuhlah *fa’il* dan *maf’ul bih*”

Para sahabat Rasulullah hampir kesemuanya bersepakat. Bahawa orang yang melakukan *liwat* hendaklah dihukum dibunuh walaupun dia belum berkahwin sama ada *fa’il* atau *maf’ul bih*-nya. Ini juga pendapatnya Imam Syafi’i (dalam satu pendapat), Nashir, Al-Qasim bin Ibrahim. Hampir semua para sahabat rasulullah terutamanya para khalifah *ar-rasyidun* sepakat mengenai hal ini.

Tiga kaedahbagi hukuman bunuh dari riwayatnya sebahagian para sahabat iaitu:

1. Dicampakkan dari tempat yang paling tinggi dandibaling batu-Ibnu Abbas dan Abu Bakar
2. Dicampakkan dari atas tembok – Saidina Umar, Uthman dan Ali
3. Dibakar dengan api –Abu Bakar, Ali, Abdullah bin Jubair dan Hisyam bin Abdul Malik

Diriwayatkan oleh Al-Baihaqi dari Ali Bin Abi Talib r.a bahwa beliau pernah merejam orang yang melakukan *liwat*. Imam Syafi'i mengatakan: "Berdasarkan dalil ini, maka hukuman rejam adalah untuk menghukum orang yang berbuat *liwat*, sama ada *muhsan* atau *ghair muhsan* serta disokong oleh Al-Baghawi dari Asy-Sya'bi, Az-Zuhri, Imam Malik, Imam Ahmad Ibn Hambal dan Imam Ishaq.

### Pendapat Kedua: SEPERTI ZINA

Sa'id bin Musayyab, Atha' binAbi Rabbah, Hasan, Qatadah, Nakha'i, Tsauri, Auza'i, Imam Yahya dan Imam Syafi'i dalam pendapat yang lain, mengatakan bahwa hukuman bagi yang melakukan *liwat* sebagaimana hukuman zina. Jika pelaku *liwat muhsan* maka direjam dan jika *ghair muhsan* disebat dan diasingkan berdasarkan dalil:

عَنْ أَبِي هُرَيْرَةَ النَّبِيِّ صَلَّى اللَّهُ عَلَيْهِ وَسَلَّمَ فِي النَّبِيِّ يَهْلُ عَمَلِ قَوْمِ لُوطٍ قَالَ ارْجَمُوا  
الْأَعْلَى وَالْأَسْفَلَ ارْجُمُوهُمَا جَمِيعًا

Dari Abu Hurairah dari Rasulullah SAW berkata "Orang yang melakukan perbuatan kaum Luth hendaklah direjam orang yang di atas (fa'il) dan yang di bawah (maf'ul bih), rejamilah keduanya.". Hadits ini diriwayatkan dalam Sunan Ibnu Majah, dari Yunus bin Abdil A'la dari Abdullah bin Nafi' dari 'Ashim bin Umar, dari Suhail dari Abu Hurairah.

Serta hadits dari Abu Musa Al-Asy'ary, Rasulullah berkata: "Apabila seorang lelaki mendatangi seorang lelaki (*meliwat*) maka keduanya telah berbuat zina". Ini juga kerana Allah menamakan *liwat* dengan *fahisy* seperti zina dalam surat al-Ankabut (29) ayat 28.

وَلُوطًا إِذْ قَالَ لِقَوْمِهِ إِنَّكُمْ لَتَأْتُونَ الْفَاحِشَةَ مَا سَبَقَكُمْ بِهَا مِنْ أَحَدٍ مِنَ الْعَالَمِينَ ﴿٢٨﴾

Ketika Luth Berkata kepada kaumnya: "Sesungguhnya kamu benar-benar mengerjakan perbuatan yang **amat keji** yang belum pernah dikerjakan oleh seorangpun dari umat-umat sebelum kamu".

### **Pendapat Ketiga: TA'ZIR**

Pendapat Imam Abu Hanifah (mazhab Hanafi) ialah hukuman bagi yang melakukan *liwat* adalah *ta'zir* dan bukannya disebat atau direjam dan ia dapat dirujuk melalui kitab "*Ahkam As-Syar'iyah*" bahawa homoseksual dihukum dengan hukuman *ta'zir* -hukuman tidak semestinya secara fizikal (sebatan), tetapi boleh melalui terapi psikologi agar tertuduh dapat bertaubat. Ini kerana homoseksual tidak dikategorikan sebagai zina kerana zina hanya dilakukan pada *vagina* dan bukan pada dubur (*sodomi*) oleh pelaku homoseksual.

Ta'zir adalah hukuman yang bukan *had* dan bukan *qisas* seperti pukulan (sebatan) atau dipenjara yang bertujuan bagi memberi pengajaran kepada pesalah. Ia juga sebagai halangan atau hukuman bagi mencegah pesalah lain melakukan kesalahan di masa hadapan.

Sebab utama liwat dijatuhkan hukuman ta'zir kerana ulama feqah mendapati hadits yang diriwayatkan oleh Ibnu Abbas serta lain-lain hadits yang serupa berkenaan liwat adalah hadits *dho'if* (lemah) kerana di dalam hadits ini semua sanadnya diambil **melalui Ikrimah**. Pendapat ini dibahaskan oleh Imam Bukhari, Imam Ahmad Hanbal dan Imam Wadi'iy di dalam "*Ahaaditsu Mu'allah*" dengan menyatakan bahawa segala hadits yang diriwayatkan oleh Ikrimah adalah ditolak.

### **Hukuman Musahaqah (Lesbian)**

Para Fuqaha sepakat musahaqah tidak dikenakan hukuman hudud. Ia dikategorikan kesalahan ta'zir. Akta Kesalahan Jenayah Syariah (Wilayah-Wilayah Persekutuan) 1997, Seksyen 26 memperuntukkan "*Mana-mana wanita yang melakukan musahaqah melakukan kesalahan dan apabila disabitkan boleh didenda tidak melebihi RM5,000 atau dipenjarakan tidak melebihi tiga tahun atau disebat tidak melebihi enam sebatan atau dihukum dengan mana-mana kombinasi hukuman itu*"

Pelaku musahaqah yang berpelukan atau berciuman sesama wanita di tempat awam juga boleh dibendung dengan diambil tindakan undang-undang. Menurut Seksyen 29, diperuntukkan "*Mana-mana orang yang bertindak atau berkelakuan tidak sopan bertentangan dengan Hukum Syarak di tempat awam adalah melakukan kesalahan dan apabila disabitkan boleh didenda tidak melebihi RM1,000 atau dipenjarakan tidak melebihi enam bulan atau kedua-duanya*"

## BAB 6

### CABARAN DAN PENYELESAIANNYA

#### **CABARAN : HOMOSEKSUAL IALAH HAK ASASI**

Mutakhir ini muncul satu gerakan di seluruh dunia yang bertujuan bagi memastikan seluruh dunia dan setiap negara akan mengiktiraf golongan Lesbian, Gay, Bisexual dan Trans-seksual atau ringkasnya LGBT termasuk negara Islam dan tak terkecuali Malaysia. Gerakan ini menganggap sebarang orientasi seksual yang berbeza dan diluar norma ini dianggap sah dan seharusnya dibenarkan dan tidak dihalang. Kebebasan memiliki orientasi seksual dianggap sebagai suatu hak asasi yang tidak boleh dipertikaikan. Kononnya ia adalah suatu hak asasi dan hak individu.

**Pertubuhan Hak Asasi Manusia** di peringkat dunia iaitu *Human Rights Watch* dan *Amnesty International* giat mempelopori dan menentang sebarang undang-undang anti-homoseksual dan menolak takrifan homoseksual sebagai suatu jenayah. Sejak 1994, Jawatankuasa Hak Asasi Manusia, Pertubuhan Bangsa-Bangsa Bersatu (United Nations Human Rights Committee) juga telah menyatakan pandangan bahawa sebarang undang-undang hukuman terhadap kesalahan homoseksualiti adalah melanggar hak pada peribadi yang mana ia dijamin di dalam Deklarasi Hak Asasi Manusia Sejagat (*Universal Declaration of Human Rights*) dan Tindakan Antarabangsa ke atas Tahanan Awam dan Politik (*International Covenant on Civil and Political Rights*).

Majlis Hak Asasi Manusia, PBB pada **17 Jun 2011** mencatat sejarah dengan meluluskan satu resolusi yang mengesahkan hak-hak orang LGBT. Pembelaan hak dan menangkis penindasan terhadap golongan homoseksual di seluruh dunia. 23 Negara menyokong resolusi mengiktiraf LGBT manakala 19 menentang dan 3 berkecuali. Malaysia menentang resolusi ini.

Gerakan LGBT di Malaysia telah mula menunjukkan secara terang-terangan usaha mereka ini dengan penganjuran program “*Seksualiti Merdeka*” buat kali kedua (tahun 2012) malah pada kali ini ia cuba dianjurkan dengan skala yang lebih besar dan secara meluas. Program ini mendapat liputan media dan mula mendapat sokongan dari pihak-pihak yang tidak memahami isu dan hak sebenar. Namun gerakan LGBT ini berjaya dipendamkan buat seketika namun ia mustahil untuk dibanteras kerana gerakan ini mula melancarkan propaganda dan idea mereka melalui media baru, laman sosial dan blog-blog tertentu serta giat mempopularkan idea mereka mengenai hak mereka memilih pasangan.




Walaupun asakan yang berterusan bagi menjadikan LGBT ini suatu hak normal namun kebanyakan Negara Islam berusaha mengekalkan hukum Allah dan norma kesopanan demi akhlak dan nilai Islam. Cuma buat masa ini hanya Lubnan sahaja bergerak ke arah usaha untuk menghalalkan kehomoseksualan. Berikut ialah propaganda gerakan LGBT di Malaysia dan dunia :

#### ▪ **Pejuang Homoseksual Islam : Irsyad Manji**

Irshad Manji adalah rakyat Kanada, wartawan dan seorang peguam bela serta Pengasas dan presiden Projek Ijtihad. Irshad Manji giat mempromosi homoseksualiti dan menggunakan ayat-ayat Al-Quran bagi menyokong pendapatnya.

The screenshot shows the website of Irshad Manji, a Canadian journalist and lawyer. The site's main theme is 'Support for Gay/Lesbian Muslims'. It features a navigation bar with links to Home, About, Get Involved, Translations, Events, Photos, Donate, and Contact. The central content area is titled 'Support for Gay/Lesbian Muslims' and includes a section for a 'Free App' with download and access buttons. A central text block asks 'I'm a lesbian/gay Muslim. Any words of support?' and provides a list of links to resources. A 'CONNECT' section on the right includes a 'Get Involved' button and a 'Twitter Feed' widget.

“Bagaimana pula Quran boleh mengecam homoseksualiti dan pada masa yang sama melaung-laungkan segala yang Allah “*cipta adalah indah?*” (32:6-7) “Yang demikian itu, ialah Tuhan yang mengetahui yang ghaib dan nyata Yang Maha Perkasa, Maha Penyayang. Yang memperindah segala sesuatu yang Dia ciptakan. “Dan Kami tidak menciptakan langit dan bumi dan ada apa di antara keduanya, dengan sia-sia.” (38:26) Ada ayat-ayat yang serupa di 3:191 dan 3:48 yang berbunyi, “Tuhan mencipta apa yang diinginkanNya.” (Irshad Manji, **Petikan Buku, Bab 1: The Trouble with Islam Today.**)



“Dan saya pilih - saya memilih untuk melihat titik yang lebih besar bahawa Al-Quran membuat kira-kira kepelbagaian: *"Sekiranya Allah menghendaki, beliau akan menjadikan kamu semua satu"* Tetapi dia telah melakukan sebaliknya, bahawa dia hendak menguji kamu pada apa yang telah dikurniakan kepada kamu. "Pada pandangan saya, apa sesuatu petikan seperti ini menunjukkan bukan hanya kerana bertolak ansur perbezaan. Ia menunjukkan bahawa **pluralisme Ilahi dan sengaja**. Jika itu adalah satu tafsiran yang dibuat-buat, maka ia adalah satu kesilapan yang saya akan membayar pada hari kiamat. (Irshad Manji , Temuramah oleh Al-Arabiya.net)

#### ▪ Seksualiti Merdeka : Program Mempromosi dan Melobi Homoseksual



Seksualiti Merdeka adalah festival tahunan yang terdiri dari kata-kata, persembahan, main, workshop, dan forum, untuk mengalakkan hak-hak keseksualan sebagai hak asasi manusia, untuk memberi individu dan masyarakat terpinggir, dan untuk mencipta platform untuk berkongsi. Kumpulan-kumpulan yang terlibat dalam Seksualiti Merdeka juga sendiri menganjurkan untuk hak-hak LGBT dalam rangka advokasi hak asasi manusia. Ini termasuk menubuhkan pertubuhan hak asasi manusia seperti Jawatankuasa Hak Asasi Manusia dari Malaysian Bar, SUARAM,

PT Foundation, KRYSS, Women's Candidacy Initiative, Persatuan Kesedaran Komuniti Selangor (Empower), Purple Lab, Matahari Books, dan The Annexe Gallery.

*"Kami percaya bahawa setiap orang di Malaysia berhak untuk bebas dari diskriminasi, keganasan ataupun gangguan hanya kerana orientasi seksual dan identiti jantina mereka. Kami percaya bahawa kita semua berhak untuk bertanggungjawab terhadap tubuh kita sendiri. Kami percaya setiap orang berhak untuk menyayangi dan disayangi, sama ada **dia gay, lesbian, biseksual, transgender, heteroseksual, aseksual, pansexual dan sebagainya**"*

## PENYELESAIAN ISU HOMOSEKSUALITI

Penyelesaian bagi mengatasi gejala homoseksual bolehlah dibahagikan beberapa pendekatan seperti pencegahan undang-undang, pendidikan oleh keluarga, bantuan psikologi atau kaunseling, inisiatif badan bukan kerajaan (NGO) dan tanggungjawab media massa. Berikut huraian pendekatan berkenaan:

- **Peruntukan Undang-Undang** terhadap pihak yang mengadakan aktiviti dengan tujuan menganjurkan, mendorong atau menggalakkan aktiviti maksiat juga boleh dikenakan tindakan undang-undang seperti mengadakan parti seks lesbian boleh dikenakan tindakan menurut Seksyen 35 Akta Kesalahan Jenayah Syariah (Wilayah-Wilayah Persekutuan) 1997. *“Mana-mana orang menganjurkan, mendorong atau menggalakkan orang lain melakukan maksiat adalah melakukan kesalahan dan apabila disabitkan boleh didenda tidak melebihi RM5,000 atau dipenjarakan selama tempoh tidak melebihi tiga tahun atau kedua-duanya”*

Malah fatwa di Malaysia juga meletakkan hukum haram bagi homoseksual atau amalan yang boleh ditafsirkan menjurus ke arah homoseksual juga dilarang. Muzakarah Jawatankuasa Majlis Fatwa Kebangsaan kali ke-83 yang telah memutuskan bahawa perbuatan perempuan yang membuat penampilan seperti lelaki atau lebih dikenali sebagai ‘pengkid’ serta golongan lelaki yang cenderung berpenampilan lembut atau golongan mak nyah yang cenderung untuk menukar penampilan menjadi wanita adalah haram.

- **Pendidikan oleh keluarga** perlu diberikan kepada anak-anak mengenai hukum fiqh yang jelas mengenai hubungan kelamin seperti mana yang dianjurkan oleh agama sebelum anak-anak mencapai usia akil baligh. Pendidikan ini hendaklah berbeza dari pengenalan “Pendidikan Seksual” yang diwar-warkan kerana Islam melihat hubungan sebagai suatu naluri fitrah dan bukan satu keobsesan. Malah, pengasingan tempat tidur antara jantina bila tiba masanya seperti dianjurkan agama merupakan suatu kemestian.

Pemahaman hukum feqah seperti haid, tempoh haid, mani, mandi wajib, berjunub, mimpi basah serta pengenalanpastian golongan mahram dan bukan mahram perlu dikuasai oleh setiap mukallaf. Tanggungjawab ini hendaklah dilakukan oleh keluarga (ibubapa) dan bukan diserahkan seratus peratus kepada guru kerana terdapat banyak persoalan yang sulit dan sensitif yang perlu ditangani secara bijak dan ia lebih sesuai dilakukan secara peribadi iaitu antara ibubapa dengan anak. Malah amalan yang diharamkan dan ditegah juga perlu dijelaskan dengan baik.

- **Bantuan Psikologi dan Kaunseling** perlu disediakan bagi mereka yang terjerumus dalam aktiviti homoseksual. Golongan yang ingin kembali atau bertaubat memerlukan sokongan dan bantuan. Justeru dengan adanya inisiatif kaunseling sebegini yang boleh ditawarkan oleh institusi-institusi agama maka ia memberi ruang untuk pesalah kembali insaf dan memulakan langkah proses pemulihan menjadi normal semula.

Oleh kerana homoseksual melibatkan emosi atau nafsu, maka sokongan kaunseling sebegini akan spesifik menangani permasalahan kawalan nafsu dan keinginan. Terapi kaunseling secara berkelompok mahupun individu boleh meningkatkan kadar kejayaan golongan homoseksual kembali ke pangkal jalan. Malah bekas pelaku homoseksual yang pulih boleh menjadi juruterapi atau kaunselor terbaik bagi mengendalikan klien sebegini.

- **Inisiatif Badan Bukan Kerajaan (NGO)** melalui penyediaan program khusus bagi menangani permasalahan homoseksual mampu melengkapkan usaha-usaha pihak berwajib iaitu kerajaan. Antara program yang boleh dianjurkan ialah program pencegahan homoseksual, program sokongan homoseksual bertaubat, kempen kesedaran dan prgram didikan agama. Program-program yang dianjurkan oleh NGO adalah hampir serupa dengan kaedah-kaedah yang telah dinyatakan di atas cuma inisiatif NGO dan kebebasan NGO untuk bergerak menjadikan inisiatif yang dilakukan mampu meluas dan produktif. Justeru, NGO-NGO Islam yang sedia ada atau perlunya ditubuhkan satu NGO baru yang mampu memainkan peranan dalam menangani permasalahan ini dari terus bertambah kronik.
- **Tanggungjawab Media Massa** juga perlu dijalankan oleh pihak media massa dengan menyalurkan maklumat dan hiburan yang sesuai. Maklumat, filem, lagu dan budaya yang mempromosikan aktiviti homoseksual hendaklah ditapis dan tidak ditayangkan. Pengaruh media massa amat besar dalam pembentukan imej sendiri individu malah ia juga mampu mempengaruhi individu untuk melakukan apa yang disogokkan oleh media massa. Bahagian penapisan di peringkat dalaman stesen media massa atau akhbar hendaklah proaktif, sensitif dan bertanggungjawab dalam meneliti semua bahan dan bukan hanya berharap pada pihak Lembaga Penapisan Filem Malaysia (LPFM) atau Kementerian Dalam Negeri (KDN) semat-mata

## KESIMPULAN

Homoseksual secara kesimpulannya dinyatakan dengan jelas akan hukumnya iaitu HARAM. Persoalan mengenainya adalah disepakati oleh para khalifah ar-rasyidin, para sahabat, imam-imam besar mazhab, para tokoh ilmunan fiqh dengan nas-nas al-Quran dan hadith-hadith Rasulullah serta disokong oleh athar para sahabat. Menurut hukum fiqh, kesalahan homoseksual dibahagikan kepada dua kategori utama iaitu :

- **Liwat** atau **gay**
- **Musahaqah** atau **lesbian**

Para ulama sepakat dalam penetapan hukuman musahaqah (lesbian) iaitu ia dikenakan hukuman takzir dan bukannya had. Manakala bagi kesalahan liwat (gay) terdapat perbezaan pendapat mengenai bentuk hukuman yang dikenakan kepada pesalah. Ringkasnya terdapat 3 bentuk hukuman kepada pelaku liwat:

1. **Hudud atau Had** : Bunuh
2. **Hudud Seperti Zina** : Muhsan –direjam Ghair muhsan –disebat
3. **Takzir** : Hukuman takzir yang sesuai bagi pengajaran dan pencegahan

Justeru itu, pesalah homoseksual hendaklah bertaubat dan kembali ke fitrah sebenar serta masyarakat hendaklah berusaha membentuk masyarakat yang bebas dari perlakuan homoseksual yang bakal mengundang azab dan kemurkaan Allah. Sesungguhnya, homoseksual adalah sekei-keji perbuatan di sisi Allah.

“(Ingatlah) tatkala Lut a.s berkata kepada mereka: *“Mengapa kamu mengerjakan perbuatan faahisyah itu yang belum pernah dikerjakan oleh seorang pun (di dunia ini) sebelummu?”* (Al-A’raf [7]: 80)

Maka hendaklah kita menjaga diri dari terjebak dengan kesalahan yang diharamkan ini dan pilihlah fitrah dan jalan yang dibenarkan.

*“Dan orang-orang yang menjaga kemaluannya, kecuali terhadap istri-istri mereka atau budak yang mereka miliki; maka sesungguhnya mereka dalam hal ini tiada tercela. Barangsiapa mencari yang di balik itu maka mereka itulah orang-orang yang melampaui batas.”* (Al-Mukminun [23]: 5-7)

## RUJUKAN

1. Zuhriah Mohd Jolol, *Masalah Seks dan Jalan Penyelesaiannya* (2001), Terbitan Perniagaan Jaha Bersa, Johor Bahru.
2. Muhammad As-Sayyid Sabiq, *Fiqh Sunnah Jilid 5* versi Bahasa Malaysia (2009), Terbitan Al-Hidayah Publication, Kuala Lumpur.
3. Mat Saat Baki (1987), *Masalah Dari Sudut Psikologi -Kertas Kerja dalam Seminar Maknyah* ( 1987), Terbitan Universiti Malaya, Kuala Lumpur.
4. Prof.Dr.Wahbah Az-Zuhaili. *Fiqh Islam Wa Adillatuhu, Jilid 7* (2011), Terbitan Darulfikir, Kuala Lumpur.
5. Dr.Mustapha Al-Bugha, Dr. Mustapha Al-Khen, Sheikh Ali Asy-Syarbaji, *Fiqhul Manhaji Al-Shafie Jilid 1 & 2* (2006), Terbitan Darul Fajr, Kuala Lumpur.
6. Dr.Yusof Al-Qardawi, *Fatwa Masa Kini Jilid 3 & 4* (1995), Terbitan Pustaka Salam Sdn. Bhd, Kuala Lumpur.

## ISI KANDUNGAN

PERKARA	MUKASURAT
1. <b>Pengenalan</b>	1
2. <b>Bab 1 - Definasi Homoseksual</b>	2 - 4
3. <b>Bab 2 - Sejarah Homoseksual</b>	5 - 7
4. <b>Bab 3 - Dalil Al-Quran dan Hadith</b>	8 - 9
5. <b>Bab 4 - Sains dan Kajian Tentang Homoseksual</b>	10 - 15
6. <b>Bab 5 - Hukuman dan Undang-undang</b>	16 - 23
7. <b>Bab 6 - Cabaran dan Penyelesaiannya</b>	24-28
8. <b>Kesimpulan</b>	29
9. <b>Rujukan</b>	30



**UNIVERSITI TEKNOLOGI MALAYSIA.**

**SARJANA MUDA SAINS PENDIDIKAN DAN PENGAJIAN ISLAM (SPI)**

**SESI PENGAJIAN :**

**2011/2012 SEMESTER II**

**MATA PELAJARAN : FIQH ISLAM II ( SLQ 2312 )**

**GEJALA HOMOSEKSUAL  
DALAM MASYARAKAT  
DAN CARA PENYELESAIANNYA**

**NAMA PENSYARAH :**

**USTAZ AHMAD MUHYUDDIN BIN HJ HASSAN**